

beczalen schuldig seyn sal ane weigerung und intrag [und dewidder mit keynem uszcog thun ader rechten sich behelffen ane geverde. Es sollen auch die obgemelten scheidetrichter die sachen von der zzeit an als sie die nach begrieffe des compromisses unverwilligung angenommen haben in einem iare dem nehstfolgenden durch recht zu entlichem us-trage bringen ane verczog und ungeverlich, und were das der meher gnante herre Ernst administrator in ezit disses compromisses und eher die sachen nach des begriffe geendet weren von thodes wegin abegehn wurde, das got gnediglich verhute, so sal dem dannoch von dem capittel und nachkomen herren und fursten des ertzbischoffthumb zu Magdberg nach alle seynem inhalde nachgegangen folge und gnug gethan werden ane inhalt behelff und geverde. Das disser alles wie obinberurt also von uns obgnanten Woldemar fursten zu Anhalt und Andrewsen abte zu Berge also beteidigt und besprochen und durch beide parthien verwilligt ist, des zu orkund haben wir unser iglicher sein ingesigel an diss compromiss lassen hengen und wir Ernst von gots gnaden administrator der kirchen zu Magdberg und zu Halberstad hertzog zu Sachsen lantgraffe in Doringen und marggrave zu Miessen bekennen auch in dissen anlass und compromiss das die obingeschrieben beteidigung mit unserm willen gescheen ist, wir die auch wolbedechtiglich vor uns und unser ertzbischofflichen kirchen zu Magdberg angenommen haben und geinwertig in dissem compromiss anemen, dem nach zu gehne folge und gnug zu thune ane inhalt und geverde, und haben des auch zu orkunde unser ingesigel hiran thun hengen, und wir Balthsar von Sliven eldiste und capittel der obgnanten kirchen zu Magdberg bekennen auch hirinn das der vorbenante unser gnediger lieber herre Ernst administrator die obingeschrieben verwilligung mit unserm wissen und fulbort gethan hat und des zu orkund han wir unsers capittels ingesigel auch an diss compromiss lassen hengen, und wir rathmanne inungismeister burger und gantze gemeyne der aldenstad Magdberg bekennen auch offintlich hirinn das die obingeschrieben beredung mit unserm guten wissen und willen gescheen ist und reden und globen die auch stete und vaste zu haldene und der nach alle yrem inhalde nachzugehn folge und gnug zu thune und haben des auch zu bekentnis unser stad ingesigel an dis compromiss lassen hengen. Betheiding gescheen und gebin zu etc.

*Original im Haupt-Staatsarchiv zu Dresden.*

**1484, März 10.**

**513.**

*Peter und Albrecht Henneke, Brüder, in Vormundschaft Kaspar Henneke's, vertragen sich mit dem Abt Andreas zu Kloster Berge wegen geforderter Entschädigung und bescheinigen den Empfang von 16 Rhein. Gulden.*

Wy Peter unde Albrecht gebrodere gnant de Henneken formunder des unmundigen kyndes Kaspars, Hans Hennekens seliger dechtenisse